

Općinski sud u Bugojnu: Najava uspostave i zamjene zemljišne knjige za katastarsku općinu Bugojno

18.11.2015 10:24



BOSNA I HERCEGOVINA

FEDERACIJA BOSNE I HERCEGOVINE

SREDNJOBOSANSKI KANTON/KANTON SREDIŠNJA BOSNA

OPĆINSKI SUD U BUGOJNU

Broj: 46 0 Su 064875 15 Su

Bugojno, 06.11.2015.godine

Na osnovu člana 63. i 67. Zakona o zemljišnim knjigama FBiH (“Službene novine FBiH”, broj: 19/03, 54/04), Općinski sud u Bugojnu:

NAJAVLJUJE USPOSTAVU I ZAMJENU ZEMLJIŠNE KNJIGE ZA KATASTARSku OPĆINU BUGOJNO, POLITIČKA OPĆINA BUGOJNO

Pozivaju se sva zainteresovana lica, koja polaže pravo na priznanje vlasništva ili nekog drugog prava na nekretninama upisanim u katastarskoj općini Bugojno, po novom premjeru, politička općina Bugojno da to svoje pravo prijave u roku od 60 (šezdeset) dana od dana najave u Službenim novinama FBiH i Službenom glasniku BiH, podneskom u 2 (dva) primjerka i da podnesu dokaze za to, usuprotnom njihovo pravo neće biti uzeto u obzir prilikom uspostave zemljišnoknjizičnog uloška.

Lica, koja polaže pravo na predmetnim nekretninama mogu, navedeni rok, na zahtjev, produžiti za najmanje sljedećih 90 (devedeset) dana, kako bi im se dala mogućnost da pribave potrebne dokaze.

Ukoliko u produženom roku ne uslijedi dostava novih dokaza zemljišnoknjizični uložak će se uspostaviti na osnovu do tada pribavljenih dokaza.

Kroz Projekt sistematskog ažuriranja za katastarsku općinu Bugojno izvršen je prijenos prava vlasništva iz Knjige položenih ugovora (KPU) u elektronski vođenu zemljišnu knjigu.

Stoga se pozivaju svi vlasnici stanova i poslovnih prostora, koji su svoje vlasništvo upisali u KPU da provjere prijenos svog prava vlasništva iz KPU-a u elektronski vođenu zemljišnu knjigu, uvidom u istu, u rokovima navedenim u prethodnom tekstu.

Pozivaju se zainteresovana lica da prijave svoja prava i rješavaju svoje imovinsko-pravne odnose.

Prijava prava u prvom redu je u Vašem interesu.

Prijavom prava osiguravate sudjelovanje u procesu utvrđivanja prava na Vašim nekretninama.

Utvrđivanjem prava i njihovim upisom u elektronski vođenoj zemljišnoj knjizi osiguravate absolutnu zaštitu svojih prava stoga Vas još jednom pozivamo da prijavite svoja prava na nekretninama i aktivno učestvujete u dalnjem postupku.

Svi upisi u zemljišne knjige za katastarske općine koje će biti predmet uspostave ili zamjene zemljišne knjige u okviru Projekta registracije nekretnina provodit će se bez naplate sudske takse.

Uvid u elektronski vođenu zemljišnu knjigu te lična predaja podnesaka sa dokumentacijom moguća je u Odjeljenju za zemljišnoknjizične poslove Općinskog suda u Bugojnu, svakim radnim danom u vremenu od 08,30-14,30h.

Podneske je moguće dostaviti i putem pošte na adresu suda:

Općinski sud u Bugojnu

307. motorizovane brigade br. 92 (za Odjeljenje za zemljišnoknjizične poslove)

70230 Bugojno

Predsjednica suda

Randžana Hadžibegović-Haračić